

sterfdach toe voeren. ende wil hem
seluen bystaen in sijn leste *āue mā.*

Verblide dy ouerclare steer-
ne des meers die vande
enghel ghegruet biste
als een coeninghine des

hemels toe wesen een moeder van
ewichheit vercozen. daer die godes soe-
ne solde van worden ghebozen. Doer
dese blijscap bidde ick dy o auesche
ionfer ende moeder sijn als mijn
arme siele van hyr sal scheide dat
tu sie dan myt vrouwen totter ewi-
gher blijscap wilste leyden. Amen

Verblide dy godes moe *āue mā.*
der onbesmit. die teghen der natu-
ren wit. heueft enen soen ghewo-
nen. als een strale comt vander
sonnen. Doer dese blijscap bidde ic
dy. o suete moeder verwerue my.
dat ick in gueden wercken altoes
moet vruchtber wesen. en naeden